



Inatsisartunut ilaasortaq Emanuel Nûko, Naleraq
/ maani

Inuusuttunut inissiat pillugit § 37 naapertorlugu apeqquteqaammut 2024-029-mut akissut

13-02-2024
Sags nr.:2024-3492
ID. nr. 90911990

Asasara Emanuel

Inatsisartut suleriaasianni § 37 naapertorlugu inuusuttunut inissiat pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Tasiilami Inuusuttut inissaataat maannakkut suliarineqartut kuutittakkanik anartarfilerneqassappat?

Akissut: Kuutsittakkanik perusuersartarfiliisoqassappat kuuffissuarmut pingaarnermut toqqaannartumik attaviliisoqangikkuni, katersuivissamik tankiliisoqartariaqarpoq. Inuusuttut inissiassaataat massakkut sanaartorneqartut kuuffissuarmut pingaarnermut attavilersinneqassappata, Tasiilami sumiiffinni kuuffissuup pingaarnerup massakkut nammassinnaassanngilaa. Katersuivissamik tankiliisoqarnissaanut periarfissaqarnerseq massakkut qulaajarneqarpoq. Katersuivissamik tankiliisoqarsinnaasooq paasinarsissappat, kuutsittakkanik perusuersartarfiliisoqassaaq.

Apeqqut 2: Kuutittakkanik imeqassappat?

Akissut: § 37 naapertorlugu apeqquteqaammut 2023-185-imut akissut innersuussutigineqarpoq.

Apeqqut 3: Taamaangippat periarfissiisoqassanngila suliariummannittussarsiuussisoqarluni kuuginnartunik anartarfittaarnissaannut aammalu kuuginnartumik imeqalernissaannut?

Akissut: Suliariummannittussarsiuussisoqareerpoq, sanaartorneqarnissaannullu sanaartugassanik suliaassinneqartartumut isumaqatigiissusiortoqareerluni. Kuutsittakkaniki perusuersartarfiliisoqassappalli tamanna akimmiffiunngilaaq. Taassumap saniatigut apeqqut 1-imut akissut kiisalu § 37 naapertorlugu apeqquteqaammut 2023-185-imut akissut innersuussutigineqarput.

Apeqqut 4: Illoqarfinni allani inuusuttuni inissiat suliarineqalersut qanoq inissisimappat anartarfinnik imermillu kuuginnartunik pilersorneqassappat?

Akissut: Inoqarfinni pineqartuni tamatumunnga periarfissaatitaasut apeqqutaassapput. Taamaalilluni sanaartorfissatut atugassinneqartut imaluunniit ukioq kaajallallugu imermik pilersuisoqarsinnaanersoq, kuuffissuarnullu attavilernissamut periarfissaqarnerseq

apeqqutaavoq. Imaappoq, periarfissaatillugu inuusuttunut inissiat ukioq kaajallallugu imermik pilersorneqarlutillu, kuuffissuarnut attavilerneqassasut. Sumiiffinni ukioq kaajallallugu imermik pilersuisoqarsinnaatinnagu, kuuffissuarnullu attaviliisoqarsinnaatinnagu imermut tankiliisoqarlunilu, kuuffittaqqanngitsunik perusuersartarfiliisoqassaaq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Hans Peter Poulsen



Harald Bianco
Inatsisartuni ilaasortaq
Inuit Ataqaṭigiit

**Inuusuttunut inissiat Tasiilami sineriammilu sanaartoRneqartut imermut
attaveqarnissaat pillugit § 37 naapertorlugu apeqquteqaammut 2023-185-imut
akissut**

09-01-2024
Sullap nr.: 2023-30153
ID. nr. 90211781

Asasara Harald Bianco

Inatsisartut suleriaasianni § 37 naapertorlugu Inuusuttunut inissiat Tasiilami
sineriammilu sanaartorneqartut imermut attaveqarnissaat pillugit Naalakkersuisunut
apeqquteqaateqarputit. Apeqqutiit/it uannit akineqartussatut innersuunneqarpoq/ut.
Apeqqutiit/ matuma kinguliani ataasiakkaarlugit allanneqarput, akissummillu
malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Naalakkersuisunut apeqqut:

- 1. Inuusuttunut inissiat Tasiilami sineriammilu sanaartorneqartut imermut
attaveqassappat?**
 - a) Taamaanngippat; sooq imermut attaveqassanngillat?**

Akissut: Aap, inuusuttunut inissiat Tasiilami sineriammilu sanaartorneqartut tamarmik
imermut attaveqartussaapput.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

Hans Peter Poulsen